



U-POLIS
Nr. 399/23 Prot.
Datë: 18.05.2023

REPUBLIKA E SHQIPËRISË
AGJENCIA E SIGURIMIT TË CILËSISË NË ARSIMIN E LARTË
BORDI I AKREDITIMIT

VENDIM

Nr. 51, datë 14.04.2023

PËR
AKREDITIMIN PERIODIK TË PROGRAMIT TË STUDIMIT 2 VJEÇAR, ME
KARAKTER PROFESIONAL NË “EFIÇENCË ENER GjITIKE”, TË UNIVERSITETIT
“POLIS”

Bordi i Akreditimit, bazuar në Ligjin Nr. 80 datë 17.09.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, Ligji Nr. 8480, datë 27.5.1999 “Për Funksonimin e Organeve Kolegjiale të Administratës Shtetërore dhe Enteve Publike”, Ligjin Nr. 44/2015, datë 30.04.2015, “Kodi i procedurave administrative të Republikës së Shqipërisë”, Vendimin e Këshillit të Ministrave Nr. 109, datë 15.02.2017 “Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë”, i ndryshuar, Vendimin e Këshillit të Ministrave nr. 531, datë 11.9.2018, “Për miratimin e Kodit të Cilësisë së Arsimit të Lartë”, Vendimin e Bordit të Akreditimit, Nr. 1, datë 07.04.2017, “Për mbylljen e procedurave të mbartura për shkak të riorganizimit të Institucioneve të Sigurimit të Cilësisë në Arsimin e Lartë”, Vendimin e Bordit të Akreditimit, Nr. 2, datë 07.04.2017, “Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit” dhe Vendimin e Bordit të Akreditimit, Nr. Ekstra 1, datë 02.02.2018 “Për miratimin e Rregullores së Bordit të Akreditimit”, në mbledhjen e tij të datës 14.04.2023, në kuadër të vendimmarrjes për akreditimin periodik të programit të studimit 2 vjeçar, me karakter profesional në “Efiçencë Energjitike”, me të dhënat si më poshtë:

- a) Emërtimi i programit: Program studimi 2 vjeçar me karakter profesional në “Efiçencë Energjitike”
- b) Cikli i studimit: Program me karakter profesional
- c) Akti zyrtar i hapjes/licensimit: Urdhër i Ministrit të Arsimit dhe Shkencës Nr. 315, datë 21.07.2014
- d) Akreditimi i parë: Urdhër i Ministrit të Arsimit dhe Sportit Nr. 242, datë 17.06.2015
- e) Institucioni që e ofron: Universiteti Polis
- f) Njësia bazë përgjegjëse: Departamenti i Kërkimit të Aplikuar
- g) Kohëzgjatja (Vite/semestra): 2 vite / 4 semestra
- h) Kredite (ECTS): 120 kredite
- i) Forma e studimit: Me kohë të plotë

- j) Statusi i diplomës: ofrohet vetëm nga Universiteti Polis
- k) Niveli i diplomës në kuadrin e Kornizës Shqiptare të Kualifikimeve: Niveli 5

pasi mori në shqyrtim:

- a. Dokumentacionin e Vetëvlerësimit, përfshirë të dhënat e programit të studimit;
- b. Raportin e Vetëvlerësimit dhe dokumentacionin mbështetës;
- c. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- d. Vlerësimin e cilësisë në përmbajtje, të kryer nga ekspertët e jashtëm në përbërje të Grupit të Vlerësimit të Jashtëm;
- e. Procedurën e vlerësimit të ndjekur dhe monitoruar nga ASCAL;
- f. Komunikimin e vërejtjet e institucionit në kuadër të këtij procesi;

konstaton se:

- a. Procedura dhe procesi i vlerësimit janë kryer në përputhje me parashikimet ligjore dhe nënligjore dhe afatet e përcaktuara në këto akte;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimit të Jashtëm dhe gjetjet e verifikimit gjatë vizitës në institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
- d. Rezultatet e vlerësimit janë nxjerrë në përputhje me gjetjet, pikat e forta e afirmimet dhe pikat e dobëta, të identifikuar e verifikuar përmes dokumentacionit dhe vizitës në institucion;
- e. Rezultati i akreditimit të parë të këtij programi ka qënë pozitiv, pa rekomandime;
- f. Rezultati i vlerësimit në lidhje me shkallën e plotësisë të *“Standardeve për sigurimin e cilësisë për programet e studimeve 2 vjeçare me karakter profesional”* dhe cilësinë e ofertës akademike të programit të studimit, është **“i përmbush kryesisht standardet”**, me mangësitë si më poshtë:

1. Ngarkesa mësimore e këtij programi studimi, nuk realizohet të paktën në masën 70 % nga personeli akademik me kohë të plotë, sikurse parashikohet në aktet ligjore e nën ligjore në fuqi.
2. Mungesa e literaturës së posaçme në gjuhën shqipe, në funksion të realizimit me sukses të këtij programi studimi.

Mbështetur mbi rezultatet dhe arsyetimin e mësipërm, Bordi i Akreditimit,

VENDOSI:

1. Vlerësimin përfundimtar **POZITIV** për programin e studimit 2 vjeçar me karakter profesional në **“Eficiencë Energjitike”**, të Universitetit Polis.
2. **Akreditimin** e programit të studimit me kohëzgjatjen prej **4 (katër) vite**.
3. Afati përfundimtar i vlefshmërisë së akreditimit të programit të studimit është **13.04.2027**.

4. Ngarkohet Agjencia e Sigurimit të Cilësisë në Arsimin e Lartë për zbatimin e këtij vendimi, publikimin dhe lëshimin e certifikatës së akreditimit brenda një muaji nga data e marrjes së këtij vendimi, si dhe monitorimin për ruajtjen në vijim të Standardeve të Kodit të Cilësisë dhe plotësimin e rekomandimeve sipas shtojcës bashkëlidhur.

Ky vendim hyn në fuqi menjëherë.

BORDI I AKREDITIMIT

SHQIPONJA TELHAJ		Kryetare
ALEXANDER KOHLER		Anëtar
AYŞEN SAVAŞ SARGIN		Anëtar
TOMASZ JELENSKI		Anëtar
IRAJ HASHI		Anëtar
MAURICE OUDEJANS		Anëtar
LEA YPI		Anëtar
KITA SALLABANDA DIAZ		Anëtar
DARINKA PIQANI		Anëtar
DRITAN NAÇE		Anëtar

INDRIT HOXHA

A handwritten signature in blue ink, appearing to read 'Hoxha', with a long horizontal stroke underneath.

Anëtar

Shtojca

Rekomandimet në zbatim të vendimit të Bordit të Akreditimit Nr. 51, datë 14.04.2023, "Për akreditimin periodik të programit të studimit 2 vjeçar me karakter profesional në "Eficiencë Energjitike", të **Universitetit Polis**, janë si vijon:

1. Institucioni, të marrë masa që, ngarkesa mësimore e këtij programi studimi, të realizohet të paktën në masën 70 % nga personeli akademik me kohë të plotë, në përputhje me parashikimet ligjore e nën ligjore në fuqi.
2. Institucioni, të mundësojë për studentët e këtij programi studimi, literaturë të posaçme në gjuhën shqipe, në funksion të realizimit me sukses të këtij programi studimi.
3. Institucioni, të shohë mundësinë e përfshirjes në planin mësimor të këtij programi studimi, të lëndëve si, eficienta e sistemeve elektrike të përdorur në ndërtesa, e gjuhës së huaj profesionale apo matematikës, të cilat do të ndihmonin studentët në kompletimin e njohurive në këtë fushë.
4. Institucioni, të shohë mundësinë e rritjes së numrit të marrëveshjeve të bashkëpunimit në funksion të këtij programi studimi me organizata jo qeveritare si dhe me kompani, për gjetjen e mundësive dhe mbështetjen financiare të studentëve gjatë kohës së realizimit të praktikës profesionale.
5. Institucioni, të rrisë përpjekjet për rekrutimin e personelit akademik, ekspertë në fushën e eficientës energjitike.

Në përmbushje të rekomandimeve të mësipërme, **Universiteti Polis**, duhet të hartojë një Plan Veprimi konkret dhe ta dorëzojë atë brenda 6 (gjashtë) muajve pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përmbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.

